



JAVNA USTANOVA  
ZAVOD ZA ZDRAVSTVENU ZAŠTITU  
ŽENA I MATERINSTVA  
KANTONA SARAJEVO

INSTITUTION FOR HEALTH  
PROTECTION OF WOMEN  
AND MOTHERHOOD  
CANTON SARAJEVO

Broj: 10 – 1211 -01/16  
Sarajevo, 22.07. 2016. godine

Na osnovu člana 64. stav (1) tačka a), člana 70. st. 1, 3. i 6. Zakona o javnim nabavkama („Sl. glasnik BiH“, broj 39/14), člana 30. i 39. Statuta JU Zavod za zdravstvenu zaštitu žena i materinstva Kantona Sarajevo, na preporuku Komisije za javnu nabavku broj: 10-1196/2-05/16 od 19.07.2016. godine, u postupku javne nabavke potrošni medicinski materijal za potrebe Zavoda OP 10-03/16, Direktor Zavoda je donio

**ODLUKU**  
**o izboru najpovoljnijeg ponuđača za potrošni medicinski materijal**  
**u otvorenom postupku javne nabavke OP 10-03/16 za LOT 1.**

**Član 1.**

Prihvata se preporuka Komisije za javnu nabavku, broj: 10-1196/2-05/16 od 19.07.2016. godine i okvirni sporazum za Lot 1 reagensi i kontrastna sredstva u postupku javne nabavke za potrebe Zavoda OP 10-03/16, dodjeljuje se ponuđaču Semikem doo, Omladinska 44, 71320 Vogošća, ponuda broj: 105/16, od 20.06.2016. godine, za ponudenu cijenu od 16.682,20 KM bez PDV-a, kao najbolje ocijenjenom.

**Član 2.**

Prijedlog ugovora o nabavci dostavit će se na potpis izabranom ponuđaču SEMIKEM d.o.o. po protoku roka od 15 dana, računajući od dana od kada su svi ponuđači obaviješteni o izboru najpovoljnije ponude.

**Član 3.**

Za realizaciju ove odluke zadužuje se APS i EFS Zavoda.

**Član 4.**

Ova odluka objavit će se na web-stranici Zavoda [www.zzzm.ba](http://www.zzzm.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 5.**

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 10-963-01/16 od 16.06.2016. godine.

Javna nabavka je sprovedena otvorenim postupkom OP 10-03/16.

Procijenjena vrijednost javne nabavke je 49.300,00 KM bez PDV-a.

Procijenjena vrijednost za Lot 1 je 24.522,79 KM bez PDV-a.

**Obavještenje o nabavci broj: 567-1-1-10-3-6/16 poslano je na objavljivanje dana 16.06.2016. godine, a objavljeno je na Portalu javnih nabavki dana 16.06.2016. godine, sažetak obavještenja o nabavci objavljen je u „Sl. glasniku BiH“, broj 47/16 od 24.06.2016. godine.**

Komisija za javnu nabavku imenovana je Odlukom broj: 10-908-01/16 od 07.06.2016. godine.

Komisija za javnu nabavku dostavila je dana 19.07.2016. godine izvještaj o postupku javne nabavke broj: 10-1196/1-05/16 od 19.07.2016. godine, izvještaje o ocjeni ponuda za Lot 1. broj: 10-1196-05/16, od 19.07.2016. godine i Preporuku o izboru najpovoljnijeg ponuđača za Lot 1. broj: 10-1196/2-05/16 od 19.07.2016. godine, u postupku javne nabavke potrošnog medicinskog materijala za potrebe Zavoda OP 10-03/16.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2. (dvije);
- da su blagovremeno zaprimljene 2. (dvije) ponude;
- nije bilo neblagovremenih ponuda;
- **da je ponuda ponuđača Semikem doo, Omladinska 44, 71320 Vogošća, prihvatljiva;**
- **da ponuda ponuđača ENA d.o.o., Safet bega Bašagića br. 40, 71000 Sarajevo, nije prihvatljiva iz sljedećih razloga:**

U tenderskoj dokumentaciji u tački 7.2.3. navedeno je sljedeće:

7.2.3. Ponuđeno medicinsko sredstvo koje se ne vodi u registru Agencije za lijekove i medicinska sredstva BiH, smatraće se prihvatljivim samo ukoliko ne postoji medicinsko sredstvo sa istim karakteristikama/ekvivalent/upisano u registar Agencije do zadnjeg dana označenog za dostavljanje ponuda.

Ponuđač je u svojoj ponudi priložio u skladu sa tačkom 7.2.6. tenderske dokumentacije spisak stavki (Prilog 6) koje su registrovane i onih koje još nisu registrovane kod Agencije za lijekove i medicinska sredstva BiH unutar ANEKS-a 3 za sve ponuđene LOT-ove, iz koje je vidljivo da su medicinska sredstva, stavke 2., 3. i 11. za koje su traženi uzorci, nisu registrovane, a drugi ponuđač je ponudio odgovarajuća medicinska sredstva koji su registrovani.

Ponuđač takođe nije popunio navedeni spisak stavki (Prilog 6) kako je traženo, jer uopće nije popunio kolonu 3 (tačan naziv artikla i zemlja porijekla).

Iz navedenog proizilazi da se ne mogu prihvatiti medicinska sredstva ponuđača u skladu sa članom 7.2.3. tenderske dokumentacije i tačkom 8.1.3. tenderske dokumentacije u kojoj je navedeno da „Neprihlaganje bilo kojeg dokaza na način kako je traženo ovom tenderskom dokumentacijom (izjave, potvrde i sl.) diskvalifikuje ponuđača, te će ponuda biti odbacena kao neprihvatljiva.

Shodno prednjem ponuda ponuđača se odbacuje kao neprihvatljiva.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Direktor Zavoda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Semikem doo, Omladinska 44, 71320 Vogošća		Ukupna cijena ponude
		19.518,17 KM sa PDV-om
1.	LOT-1	16.682,20 bez PDV-a

Izabrani ponuđač je izabran primjenjujući kriterij najniže cijene, koja je ponuđena u iznosu od 16.682,20 KM.

Iz navedenih razloga, primjenom člana 64. stav (1) tačka b) Zakona o javnim nabavkama, te članova člana 30. i 39. Statuta JU Zavod za zdravstvenu zaštitu žena i materinstva Kantona Sarajevo, odlučeno je kao u članu 1. ove odluke.

#### **POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

M. P.



**DIREKTOR**

**Prim.mr.sci.dr. Mithat Kurtović**

Dostaviti:

- Ponuđaču: **Semikem d.o.o.**, Omladinska 44, 71320 Vogošća – (e-mailom)
- Ponuđaču: **Ena d.o.o.**, Safet bega Bašagića br. 40, 71000 Sarajevo - (e-mailom)
- Komisiji za javne nabavke
- EFS
- APS
- a/a